

تسبحة باكر

ذكولوجية باكر (بي أوأويني انطا افمي)



لحن مثالي أن نبدأ به كل يوم ... موسيقى مفرحة و كلام معزي و مغذي جداً

[سماع اللحن](#)

التأمل

تسبحة باكر من الصلوات اللي نادراً ما نعملها أو نصليها في الكنيسة لضيق الوقت قبل

القداس

لكن تعالوا نركز في كلام الذكولوجية دي (هو عبارة عن أول قطعتين في صلاة باكر من الأجيبة + إضافات في الآخر) و نسمعها كده ... هانعرف إنها أحلى بداية لكل يوم

💡 الرُّبْع الأول: النور الحقيقي: أيها النور الحقيقي: الذي يضيء: لكل إنسان: آتٍ إلى العالم

💡 و إنا بنشوف نور الشمس في الصبح، تشرق على الأبرار و الأشرار و تدّينا أمل في يوم جديد و نهار جديد ... لازم نفتكر خالق الشمس دي ... النور اللي ينور لنا طريق حياتنا كله ... و يعطينا كل يوم بداية جديدة

ثم كلمهم يسوع أيضا قائلا: «أنا هو نور العالم. من يتبعني فلا يمشي في الظلمة بل يكون له نور الحياة».

— يوحنا 8 : 12

😊 الرُّبْع الثاني: كل الخليقة تهلت: أتيت إلى العالم: بمحبتك للبشر: وكل الخليقة: تهلت بمجيتك

💡 إيه اللي يسعدنا أكثر من إنا نفتكر في بداية اليوم إن إلهنا هو (عمانوئيل) ... اللي عشان بيحبنا جه و تجسّد و عاش معنا، واحد منّا

💡 و الخليقة كلها فرحت بالبشارة دي ... السماء و الأرض ... تعالوا نفتكر بشارة الملائكة للرعاة:

فقال لهم الملاك: «لا تخافوا! فما أنا أبشركم بفرح عظيم يكون لجميع الشعب: أنه ولد لكم اليوم في مدينة داود مخلص هو المسيح الرب. وهذه لكم العلامة: تجدون طفلا مقمطا مضجعا في مذود».

وظهر بغتة مع الملاك جمهور من الجند السماوي مسبحين الله وقائلين: «المجد لله في الأعالي، وعلى الأرض السلام، وبالناس المسرة».

— لوقا 2 : 10 ل 14

✝ الرُّبْع الثالث: خلصت أبانا آدم:

خلصت أبانا آدم: من الغواية: وعتقت حواء: من طلاقات الموت

💡 بركات هذا التجسد عظيمة جداً لآدم و حواء و أولادهم كلهم ... بعد ما طردوا من الفردوس بسبب الخطية، ربنا رد آدم (البشرية) إلى رتبته الأولى: بزره و صالحه مع الله مرة ثانية

💡 افرح يا كل آدم و افتكر كل يوم وضعك اللي مخلصك و فاديك رجّعك ليه

ولكن الآن قد قام المسيح من الأموات وصار باكورة الراقدين.
فإنه إذ الموت بإنسان، بإنسان أيضا قيامة الأموات. لأنه كما في آدم يموت الجميع، هكذا في المسيح سيحيا الجميع.

— كورنثوس الأولى 15 : 20 ل 22

✝ الرُّبْع الرابع: روح البنوة:

أعطيتنا روح: البنوة: نسبحك ونباركك: مع ملائكتك

💡 طبيعة جديدة أعطاها لنا الله بالروح القدس ... طبيعة روحية تقدر تشارك السماويين في صلواتهم و تسبحتهم (زي ما بنقول في [الأنافورا](#) في القداس)

💡 روح تخلينا نقدر نقول لله يا أبونا ... و هو يقول لنا: لا أعود أسقيكم عبيداً بل أحبباء

إذ لم تأخذوا روح العبودية أيضا للخوف، بل أخذتم روح التبني الذي به نصرخ: «يا أبا الآب»

— رومية 8 : 15

👁️ الرُّبَع الخامس و السادس: حواس النور:
**عندما يدخل وقت: باكر إلينا: أيها المسيح إلهنا: النور الحقيقي
 فلتشرق فينا: حواس النور: ولا تغطيها: ظلمة الآلام**

💡 أول طلبة في الذكولوجية دي: فلتشرق فينا حواس النور

💡 حواس النور هي الحواس المستنيرة ... العين البسيطة و الأذن التي لا تسمع إلا الخير و اللسان الذي لا ينطق إلا بما هو للبنيان ... فكر نقي طاهر يخلي اليوم فيه بركة و نعمة من أوله لآخره

الذين بسبب التمرن قد صارت لهم الحواس مدربة على التمييز بين الخير والشر

— عبرانيين 5 : 14

سراج الجسد هو العين، فمتى كانت عينك بسيطة فجسدك كله يكون نيرا، ومتى كانت شريرة فجسدك يكون مظلمًا.
 انظر إذا لئلا يكون النور الذي فيك ظلمة.
 فإن كان جسدك كله نيرا ليس فيه جزء مظلم، يكون نيرا كله، كما حينما يضيء لك السراج بلمعانه

— لوقا 11 : 34 ل 36

👁️ الرُّبَع السابع: نسبك عقلياً:
لكي نسبك: عقلياً مع داود: صارخين: نحوك قائلين

💡 التسبيح حاجة رائعة جداً لكنه أكثر من موسيقى و لحن مؤثر ... التسبيح صلاة فيها شكر لربنا و تمجيد ليه ... لازم تكون بالروح و الذهن و القلب

فما هو إذا؟ أصلي بالروح, وأصلي بالذهن أيضا. أرتل بالروح, وأرتل بالذهن أيضا

— كورنثوس الأولى 14 : 15

🌙 الرُّبْع التَّامَن: وقت السَّحَر:

سبق أن بلغت عيناى وقت السَّحَر : لأتلو: جميع أقوالك

💡 وقت السحر هو وقت الفجر ... و القداسات زمان كانت بتخرج مع شروق الشمس ... و بالتالي باكر كانت بتتصلى و الدنيا ضلمة تماماً

💡 و المعنى هنا هو اشتياقنا مع داود النبي إننا نكون مع ربنا و نسبحه ... مش قادرين نستنى حتى إن شمس اليوم الجديد تطلع, اللي بيحب ربنا يسبق الشمس و يسبّحه

سبق عيناى وقت السَّحَر لأتلو جميع أقوالك

— مزمو 119 : 148

🎤 الرُّبْع التَّاسِع: كعظيم رحمتك:

اسمع صوتنا؛ كعظيم رحمتك؛ ونجنا أيها الرب إلهنا؛ حسب رؤفاتك

💡 الجزء ده آخر جزء بيتكرر في قِطْع باكر ... و ختام الجزء الأول من الذكولوجية

💡 و فيها الطلبة اللي بنطلبها كل قداس:

كرحمتك يا رب و ليس خطايانا

— القداس

🕯️ الرُّبْع العاشر: صانع الخيرات:

يا الله المهتم: صانع الخيرات: مدبّر: مختاربه حسنا

💡 رُبْع بيطمئننا جداً و يفكّرنا بأعلى صفة في ربنا: إنه صانع الخيرات

💡 و مش بس كده, ده كمان (مهتم) بأولاده كلهم ... يدبّر حياتهم و يعولهم و يعطيهم ما يكفيهم

هل تنسى المرأة رضيعها؟ فلا ترحم ابن بطنها؟ حتى هؤلاء ينسين و أنا لا أنساك

— إشعياء 49 : 15

♥️ الرُّبْع ال 11: المتشوق لخلصنا:

المدبر القوى: للمتجلّين إليه: المتشوق لخلص: ونجاة كل أحد

💡 ربنا مش بس بيعولنا و يدبّر حياتنا على الأرض, بل دي حاجات إضافية لأهم طلب: ملكوت السماوات

💡 و الآية الجاية واضحة جداً: ربنا إرادته هي خلاص الكل

الذي يريد أن جميع الناس يخلصون، وإلى معرفة الحق يقبلون

— تيموثاوس الأولى 2 : 4

🏠 الرُّبْع ال 12: بلا خطية:

بصلاحتك: هيأت لنا الليل: انعم لنا اليوم: ونحن بغير خطية

💡 طبعاً النوم بالليل يشبه الموت ... و بالتالي لازم نشكر ربنا إنه صَحَّانا تاني و أعطانا يوم جديد

💡 و لازم أهم حاجة في اليوم الجديد (اللي هو عطية من ربنا) إننا نرضي ربنا فيه

💡 و نصلي: يا رب انت أعطيتني في المعمودية و الميرون نعمة البنوة ليك ... و طبيعة جديدة بارّة ... ساعدني أحافظ عليها و أرجع لها تاني بالتوبة المستمرة

كل من هو مولود من الله لا يفعل خطية, لأن زرعه يثبت فيه, ولا يستطيع أن يخطئ لأنه مولود من الله

— يوحنا الأولى 3 : 9

لذلك نحن أيضا إذ لنا سحابة من الشهود مقدار هذه محيطة بنا, لنطرح كل ثقل, والخطية المحيطة بنا بسهولة, ولنحاضر بالصبر في الجهاد الموضوع أمامنا

— عبرانيين 12 : 1

🤔 الرُّبْع ال 13: بغير غضب:

لنستحق أن نرفع: أيدينا إليك: أمامك بغير غضب: ولا فكر رديء

💡 يوم جديد ... يعني ماينفعش نبدأ و إحنا جوانا غضب أو عدم محبة ناحية حد أو فكر غير طاهر لا يُرضي صلاح الله

💡 سامح و إبدأ يوم جديد من غير غضب بل بالتوبة ... عشان تعرف تصلي و ترفع قلبك مع إيدك لربنا

اغضبوا ولا تخطئوا. لا تغرب الشمس على غيظكم

— أفسس 4 : 26

فإن قدمت قربانك إلى المذبح، وهناك تذكرت أن لأخيك شيئاً عليك، فاترك هناك قربانك قدام المذبح، واذهب أولاً اصطح مع أخيك، وحينئذ تعال وقدم قربانك.

— متى 5 : 23 و 24

↔ الربع ال 14: الداخلية و الخارجية:

في هذا السّحر: سهّل طرقنا: الداخلية والخارجية : بسترك المفرح

💡 بنقول له يا رب سهّل طريقنا و استر علينا ... لكن مش بس بنهتّم بأمورنا مع باقي الناس (الأمر الخارجية) بل الأولى الأمور الداخلية

💡 لأن الحقيقة مش المهم إن الواحد مايكونش عنده مشاكل بل إنه يكون حاسس بتعزيات ربنا ... ده اللي بيخليه متعزي و هنده سلام

عند كثرة همومي في داخلي، تعزياتك تلذذ نفسي

— مزمو 94 : 19

🔊 الرُّبْع ال 15: نلتق بعدلك:

لنتلق بعدلك: كل يومٍ ونمجد قوتك: مع داود النبي

💡 طالما تعزيات ربنا موجودة يبقى التسبيح يرجع تاني و اقتناعي إن ربنا إله عادل و قوي و رحيم، حتى لو فيه ضيق في العالم

💡 جميل جداً إننا نعمل زي داود و زي ما كنيستنا بتعلمنا: إننا وسط مشاغل و ضغوط اليوم، نرفع قلبنا لربنا و نسبحه ... بعد كده نرجع نكمل تاني

سبع مرات في النهار سبّحتك على أحكام عدلك

— مزموور 119 : 164

🔊 الرُّبْع ال 16: بسلامك رقدنا و قُمننا:

قائلين بسلامك: أيها المسيح مخلصنا: رقدنا و قمننا: لأننا توكلنا عليك

💡 زي ما قلنا النوم هو موت مؤقت ... لكن اللي سلام ربنا جواه يقدر ينام و هو مرتاح و يصحى و هو في سلام

باطل هو لكم أن تبكروا إلى القيام، مؤخرين الجلوس، آكلين خبز الأتعاب. لكنه يعطي حبيبه نوماً

— مزموور 127 : 2

👥 الرُّبَع ال 17: اتفاق إخوة:

ما هو الحسن: و ما هو الحلو: إلا اتفاق أخوة: ساكنين معاً

💡 لو أخذنا بالننا، من أول اللحن و هو يستخدم لغة الجماعة مش الفرد ... من أول الجزء ده يبدأ بيان
ليه ...

💡 لأنه لما بنقوله كخورس شمامسة أو كشعب قي كنيسة أو كبيت واحد أو كرهبان في دير، فإحنا
بنحقق وصية مهمة جداً ... خصوصاً الرهبان في الدير:

هوذا ما أحسن وما أجمل أن يسكن الإخوة معاً!

— مزمو 133 : 1

🏰 الرُّبَع ال 18: بمحبة حقيقية:

متفقين: بمحبة حقيقية: إنجيلية: كمثل الرسل

💡 و المثل الأعلى لينا في الموضوع ده هم الآباء الرسل في الكنيسة الأولى ... محبة حقيقية ...
وحدانية و أخوة

وكانوا كل يوم يواظبون في الهيكل بنفس واحدة. وإذ هم يكسرون الخبز في البيوت، كانوا
يتناولون الطعام بابتهاج وبساطة قلب، مسبحين الله، ولهم نعمة لدى جميع الشعب.

— أعمال الرسل 2 : 46 و 47

الزُّبَع ال 19: مثل الطيب: 

مثل الطيب :على رأس المسيح: النازل على اللحية :إلى أسفل الرجلين

اللي بيعيش كده ده زي المرأة ساكبة الطيب ... بيفرّج ربنا يسوع (رئيس كهنة العهد الجديد) جداً إن جسده (الكنيسة) يكون فيه هذه الوجدانية 

مثل الدهن الطيب على الرأس, النازل على اللحية, لحية هارون, النازل إلى طرف ثيابه

— مزمو 133 : 2

الزُّبَع ال 20: الكل: 

يمسح كل يوم: الشيوخ: و الصبيان: و الفتيان و الخدام

و الدعوة هي لكل ... شيخ كبير و صبي صغير ... فتى ضعيف أو خادم كبير ... الكل لازم يشارك في الوجدانية و المحبة الحقيقية في الكنيسة 

عشان كده مهم جداً إن الولاد و البنات من سن الطفولة يكون ليهم وجود في الكنيسة و صلواتها 

من أفواه الأطفال والرضع أسست حمداً

— مزمو 8 : 2

🕒 الرُّبَع ال 21: كل حين:

هؤلاء الذين أَلْفَهم: الروح القدس: معاً مثل قيثارة: مسبحين الله كل حين

💡 لما بتشوف ناس بتسبح بالروح و الذهن و القلب مع بعض متناغمين ... بتحس الإحساس ده: كأن فيه مايسترو واحد بيجمع الناس دي ... و المايسترو هنا هو الروح القدس

💡 الربع ده (غير فكرة التناغم في التسبيح) فيه فكرتين مهمين جداً: أولاً اللي بيجمع الكنيسة هو الروح القدس اللي فيها و في أولادها ... مش اجتهاد إنسان

💡 و الحاجة الثانية هي الفكرة الرائعة اللي بنشوفها في بعض الأديرة و الكنائس: التسبيح في كل حين ... فيه أماكن الرهبان أو الخدام فيها بيتناوبوا مواعيد للصلوات بحيث ال 24 ساعة يبقى على طول فيه صلاة في الكنيسة أو الدير

أبارك الرب في كل حين. دائماً تسبيحه في فمي

— مزمو 34 : 1

🎵 الرُّبَع ال 22: مزامير:

بمزامير و تسابيح: و ترانيم روحية: النهار والليل: بقلب لا يفتر

💡 الربع الأخير يفهمنا ليه الكنيسة عملت لنا صلوات الأجبية (السواعي) و المزامير اللي فيها

💡 دي بتعلمنا الصلاة على مدار اليوم ... و كمان فيه ترانيم روحية رائعة على كلام المزامير ... معزية جداً

مكلمين بعضكم بعضا بمزامير و تسابيح و أغاني روحية، مترنمين ومرتلين في قلوبكم للرب

— أفسس 5 : 19



ربنا يدّينا نسبّح بالروح و الذهن و القلب ... نفهم عظمة ألحان كنيستنا اللي بتفرّحنا و تدّينا
بهجة و وجبة مشبعة و طريقة مثالية لبداية كل يوم بطريقة بسيطة و رائعة و أفاض دقيقة جداً